

赤松子中誠經

軒轅黃帝稽首問赤松子曰朕見萬民受生何不均勻有富貴有貧賤有長命者有短命者或橫罹枷禁或久病纏身或無病卒亡或長壽有極如此不等願先生為朕辯之

赤松子曰生民梵燒各載一星有大有小各主人形延促衰威貧富死生為善者善氣覆之福德隨之眾邪去之神靈衛之人皆敬之遠其禍矣為惡之人凶氣覆之災禍隨之吉祥避之惡星照之人皆惡之衰患之事併集

其身矣人之朝夕行心用行善惡所為暗犯天地禁忌謫譴罪累事非一也人之朝夕為惡人神司命奏上星辰奪其算壽天氣去之地氣著之故曰衰也黃帝又問曰人生壽命合得幾許對曰人生墮地天賜其壽四萬三

千八百日都為一百二十歲一年主一歲故人受命皆合一百二十歲為犯天地禁忌奪算命終又問或有胎中便夭或得數歲而亡此既未有施為犯何禁忌赤松子對曰此乃祖宗之罪遺殃及後自古英賢設教留在仙

經皆勸人為善知其諸惡始乃萬古傳芳子孫有福夫人生在天地之中稟陰陽二氣皇天雖高其應在下后土雖卑其應在上天不言而四時行地不言而萬物生人處其中恣心惰慾凡人動息天地皆知故云天有四知

也人不言報天地之恩發言多怨天地天生黎民以乾坤表父母日月表眼目星辰表九竅風動火力為煖氣壽命終時總還歸土天上三台北辰司命司錄差太一直符常在人頭上察其有罪奪其算壽若奪一年頭上星

無光其人坎坷多事奪算十年星漸破缺其人災衰疾病奪其算壽二十年星光頹滅其人困篤或遭刑獄奪其算壽三十年其星流散其人則死時去算盡不周天年更殃復代子孫子孫流殃不盡以至滅門人不自知過

犯只言短壽故天不欺物示之以影晝夜陰陽雷電雨雪虹霓交暈日月薄蝕彗孛飛流天之信也地不欺物示之以響應及生萬物江河流注乃至枯涸山崩地動惡風拔木飛沙走石水滂蟲蝗饑荒天旱瘡癘災疫地之

信也鬼神不欺物示之以禍福惟靡災祥是鬼神之信也國主不欺物示之天地和星辰順災殃滅四方歸萬姓安人君之信也人之所行發言用意莫言天地如此故聖人云皇天無親惟德是輔畏天命畏大人畏聖人之

言凡人逐日私行善惡之事天地皆知其情暗殺物命神見其形心意語鬼聞人聲犯禁滿百鬼枚其精犯禁滿千地錄人形日行諸惡枷鎖立成此陰陽之報也皇天以誠議故作違犯則鬼神天地禍之也黃帝又問神

仙善惡之兆見蒙福祐更可為朕審而述之赤松子對曰修身制命治性之法清朝常行吉氣專心記念善語善行善視一日之內三業不生三年之內天降福星皆為福報也知人清朝常行惡語惡行惡視教人為惡日造

三年之內禍患及身亡財滅口地加妖氣人必衰矣天之九醜是人間之九橫夫善者惡之符惡者善之信也又云善人者惡人之師惡人者善人之資吉者凶之證凶者吉之餘也有善人常遇災衰多般禍患先人之餘殃

也故一生修善之人不必擇良時吉日凡用使之時自然得凶中之吉百靈潛護神煞避矣一生為惡之人縱揀得吉日良時及至用日却值吉中之凶惡神害之福神避矣但世人終日常修善行自然天增福壽和氣霞光此乃形影之道也欲得不衰不耗與天相保天地禁忌得失修身制命之道今具言之人為一善神意安定為十善氣力強盛為二十善身無患害為三十善所求遂意為四十善般富娛樂為五十善子孫昌盛為六十善不遭誤犯惡人牽累為七十善所學顯貴為八十善獲地之利為九十善天神護之為一百善天賜其祿逢遇聖賢為二百善揚名後世子孫受祿為三百善三世子孫富貴利樂為四百善四世子孫富貴遷祿為五百善五世子孫受封超壽為六百善世世子孫忠孝富貴為七百善世世出賢哲人為八百善出道德人為九百善出聖人為一千善出群仙古跡善政天道所錄見身加算進位登仙福及子孫生賢出聖也若人為一惡意不安定為

十惡氣力虛羸為二十惡身多疾病為三十惡所求不遂為四十惡坎坷衰耗凡事乖張為五十惡終無匹偶為六十惡絕滅子息為七十惡陰鬼謀害為八十惡水火為災非橫燒溺為九十惡貧寒困弱瘡疥風顛為一百惡天氣害之橫事牽引刑法惡死為二百惡地氣害之盜賊為災為三百惡世世出下賤人為四百惡世世子孫窮賤貧乞為五百惡子孫絕嗣為六百惡世世子孫盲聾瘖瘂出癡顛人為七百惡出五逆不孝犯法子孫為八百惡出叛臣逆子誅滅親族為九百惡出妖孽之人夷滅族類為一千惡世世子孫異形變體為禽獸不具之狀積惡之殃滿盈禍及數世矣此為司命奪算星落身亡竟拷鄣都殃流後世黃帝又問曰司命奪人算壽世人作何罪所招赤松子對曰伏以世上之人自犯悔咎却言天道不平有屈不自分雪呪詛怒天囚禁枷鎖怒天饑貧疾病怒天寒暑霜雪怒天晝夜短長怒天自為惡事祈呪於天逆四時違五行對三光裸體赤露便利向

三光星辰社廟之前見日月薄蝕不救食自歡樂不敬天地鬼神不孝父母可為風雨毀折聖人典教破壞社廟穿掘墳墓取亡人財物欺詐盲聾瘖瘂之人竊盜金帛持穢污潑他人屋舍妄外破除衣服以不淨器物感諸飲食厭呪生人埋符地下妬賢嫉能養諸蠱毒殺害物命遺無頭文狀詭損平人發覺他人私事閉塞道路填築溝渠偷他人物拋棄用藥斫伐他人樹木苗稼花果園林損害六畜穢污并竈官觀廟宇自身孝服唱歌作樂放火燒山破除他人產業涸絕池沼捕採水族龍龜魚與人結交違背盟誓輕慢神道姦詐誣罔口是心非惡言謾闈僻要諍訟教人官事重告暴露對人披髮飲食損善益惡潤已侵人酷信邪師教人非法攻殺無罪執正為非恃勢邪巧入輕為重春行殺伐夏誅諸命秋則見惡不改冬則開掘地藏離他人骨肉好殺惡生自重輕人欺孤凌寡敗他成已危他取安借貸不還譽已毀彼和惡逐勢賣弄他權陰毒面慈見殺加怒知過不改見

善不從背親向疎慢高做下不受父母師友  
 教誨妻妾讒間取小下言語輕弃骨肉施恩  
 却侮樂短他人窮慳窺他家事調譖姦他妻  
 妾非道而行奪人恩愛竊他善事自言已有  
 以重罪牽引平人保證輕慢上下不擇尊卑  
 恃酒凌物用物不當拋棄飲食輕賤衣服非  
 分求覓不避危亡得新忘故棄本逐末知恩  
 不報欺誑謾人  
 右所書過犯八百餘件略而言之不可具載  
 但世人有所犯皆犯本照星辰奏聞  
 上帝七星六律四時八風九宮五行先令司  
 命奪算令人短壽令諸殃禍延及子孫黃帝  
 又問曰人犯天地禁忌奪算有數人之罪如  
 何赤松子曰人為天地之本當為善伏緣世  
 人外貌和柔內懷陰妬觸犯禁忌罪累非一  
 被司命一一錄奏應是世人遭刑殺者或兩  
 軍相持陣場死者一為自身有犯宿業相離  
 二為五運相交太一伐之數值遷移之歷運  
 合受廢滅之災殃黃帝又問赤松子曰朕聞  
 先生所說世人違犯即不安帝罪可解乎對

曰罪有可解者有不可解者世人偶行非道  
 心能悔過是可解也若聞不信知過不改為  
 惡轉多心毒熾盛不可解也赤松子曰人行  
 善道天地鬼神賜福助之增延壽考無諸惡  
 事何以不為善道但世人尊敬天地三光不  
 犯禁忌孝愛父母和順兄弟憐愍孤獨救接  
 貧病敬重師長古來聖賢鄉里老人教示不  
 違卑謙恭敬每遇風雨寒熱惡星惟異日月  
 交暈虧犯薄蝕皆宜念善敬遠鬼神祭祀天  
 地上錄其功增延祿算見人為惡勸人修善  
 若過善人敬而從之或見凶危將心救護自  
 就艱難與人平穩將已經事替人重役勸人  
 不為官事口舌爭訟善理義井溝渠修填道  
 路不以小失其大不以大棄其小見人有所  
 失為其痛切見人有所得為之內喜扶羸護  
 弱施恩濟患孤貧恭謹卑遜讓祿他人天錄  
 中功亦增延壽子孫獲福如有志信不違心  
 崇道德不避危險救溺江湖無淫外色不使  
 他人屋宅產業不非理損害物命好生惡殺  
 禮敬不虧常習經書恩不忘報惠人不悔寬

懷忍辱盡忠盡孝不逞威儀不枉用財物不  
 愛華麗之服修饌食不非分殺命自我作古  
 人無不親無自賢無自善無自解無自富無  
 自矜無自尊無自譽無自重無自尊無自大  
 無自用無自可大錄下功皆增算壽又加算  
 倍多者人能事君盡忠事父盡孝不傲慢敬  
 師長開悟童蒙先誦師傳修身謙讓和睦上  
 下撫愛均平不聽讒邪直心用行婦人孝順  
 翁婆敬順夫婿清貞潔行飲氣吞聲恭省晨  
 昏和顏悅色無私奉上並蒙加算延壽增祿  
 災橫消除男女聰慧人有折壽薄福者臣弑  
 君子弑父事師違背業成忘師悖亂無禮不  
 識親疎逞恣自我婦人違背父母不孝翁婆  
 輕賤夫婿口舌誹謗亂亂六親盜竊嗜情比  
 鄰為惡皆奪福壽惡病纏身生遭人憎死墮  
 地獄黃帝又問曰更有人間至妙之道可得  
 聞乎赤松子曰夫人修持善惡自起於心心  
 是五賊之苗萬惡之根夫人之心擬行善善  
 雖未成而善神已應矣心起惡惡雖未萌內  
 神已知故君子平日行善善由未足片時造

赤松子中誠經終

惡惡使有餘至如階奪衣併亦起於心有得有失會在天道又有起心害人未必便得乃其死生枯榮亦由運也經云天有五賊見之者昌失之者亡教法五德行之者昌背之者亡行之為溫良恭儉讓仁義禮智信背之為惡逆貪妬殺兇暴亂欺詐佞世人多行五背心常九念見他人家榮貴說他往日風塵起心願他流貶見人富貴笑他往日貧窮願他破散見他財帛豐盈起心教人劫奪見他妻妾美麗起心欲作姦非見他屋宅宏壯起心欲擬焚燒欠他債負起心願債主身亡借貸他人財物不得起心懊惱恨多見他偶有危難說他往日之非自生身父母早願亡歿要財物屋宅此是愚人九念是以天地鬼神惡之賜其殃禍奪其算壽也心行五德之人常懷九思見他榮貴自思福業緣薄見他穀米盈倉自思不勤力管種見他金玉寶財自思非我所有之物見他美色妻妾自思匹偶不生亂心見他屋宅宏壯自思弊陋且安見他舊曾於已不足遭官府起救接之心欠他

債負目下未有還填長思愛有動債之或欲借貸他人財物自思舊無恩力見他事養君親常思無辜勤酬答世人能終日行此九思棄前九念為上智明慧人也見世獲於禍祐慶流子孫橫禍非災不可及也黃帝又問先生曰智人何等次之對曰有三等皆為仁者之上智者明天文察地理不學自曉不教自解默而識之辨音律鑒賢愚心慈愍不輕人識成敗知進退別存亡此人雖貧而終富暫卑而終高此上智人也中智者通會經書常存禮敬見賢思齊扶危救弱惠施不悔忠孝不虧言不傷物卑遜溫謙此末學而終悟雖未顯而終達此中智人也下智者修善又也改往修來就業而思學篤信善惡之事不侵他人財物保命惜身會道理識文法自能好弱自怕災衰如此兢兢而無過失不遭橫禍此下智人也黃帝言曰善哉善哉此言不可數於功德謹依所說錄示眾人作大津梁諸群臣稽首而退依教奉行

十

十

十

十